



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

V. Die Markgrafen Otto und Conrad versprechen dem Bischofe von Brandenburg Sicherheit gegen Beeinträchtigungen im Lande Löwenberg, am 5. März 1289.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

verfariis fingulis hūsdem canonicis ministretur. Preterea ita duximus providendum, ut de summa prelibata in festo beate Catharine virginis ac martyris XV solidi et in festo decollationis sancti Johannis baptiste tantūdem ipsi conventui tribuantur pro servitio. Historia vero de sancta Catherina, que sic incipit: Virginis eximie, historiam vero de sancto Johanne baptista, que sic incipit: Verba viri sapientis, conventus in supradictis festivitibus cantabit sollenniter et devote. Residuam vero summam usibus personarum in ecclesia cathedrali degentium et sub ordine sancti Augustini et regula famulantium Jesu Christo, quoad consolationem majorem et specialem ipsis in refectorio faciendam, videlicet unum talentum in adventu domini et duo talenta in quadragesima similiter decernimus applicanda. Insuper residua tria talenta sic discernimus distinguenda: videlicet in anniversario Margarete matris nostre, qui erit in vigilia undecim milium virginum X solidi, in anniversario Conradi, fratris nostri qui erit in die Otmar abbatis X solidi, in anniversario Theodoricus militis, patris nostri, qui erit Neres et Achilles, X solidi; in anniversario Friderici, fratris nostri, qui in die Viti et Modesti, X solidi, in anniversario patris nostri Conradi, X solidi. Insuper cum ex ordinatione divina Ottonem, fratrem nostrum, carnis debitum exsolvere contigerit, in ejusdem anniversario similiter X solidi hūsdem canonicis, ut eo devotius supradictorum defunctorum commemorationem in vigiliis et missarum celebrationibus peragant, consolationis loco tribuantur. Ut igitur hec donatio canonicis nostre ecclesie in perpetuum stabilis perseveret, ac etiam ut fiat ipsis, quoad temporale subsidium fructuosa, presentem paginam conscribi fecimus et eandem sigilli nostri munimine capitulo nostro dari iussimus roboratam, adhibitis nihilominus testibus idoneis, quorum nomina sunt hec: Lambertus et Petrus, prepositi Brandenburgenses, Johannes prior, dictus Grobbo, Theodericus, plebanus veteris civitatis, Ludovicus, vice prepositus in Berlin, Hildebrandus, canonicus Cozwicenfis, magister Walterus, plebanus in Segesere, Sifridus, curie nostre cappellanus, Hildebrandus, curie nostre notarius, et alii quam plures. Actum et datum Magdeburg, anno domini M^o. CC^o. LXXVII. idus Januarii, pontificatus nostri anno XIII.

Nach dem alten Copialbuche des Brandenburger Stiffts-Archives. Abschrift von Hefster.

V. Die Markgrafen Otto und Conrad versprechen dem Bischofe von Brandenburg Sicherheit gegen Beeinträchtigungen im Lande Löwenberg, am 5. März 1289.

Omnibus in Christo fidelibus presentes literas auditoris. Otto et Conradus, dei gratia marchiones Brandenburgenses, salutem in omnium salvatore. Recognoscimus et presentibus evidentius protestamur, quod cum venerabili patre domino Heidenrico, Brandenburgensi episcopo, super vexationibus repellendis ac injuriosis ammonitionibus quorundam malorum hominum pariter ammovenendis quibus ipse dominus episcopus sui que subditi continue fatigantur, placitavimus in hunc modum: videlicet dictum dominum episcopum suosque successores et ecclesiam Brandeburgensem debemus eripere ab impetitione filiorum Redingi militis, ita quod omni penitus renuntient actioni. Item privilegia, a nobis data et a patre nostro ac patruo nostro similiter, super bonis ecclesie et libertatibus observabimus in territorio Lewenberch in integrum et ex toto. Similiter alia privilegia, postmodum a nobis data super bonis in Lewenberch et villis adjacentibus et super terminorum limitibus et de lignis etiam

observabimus percomplete. Item quicquid sit circa libertatem et proprietatem in bonis dicti domini episcopi, hoc idem fiet in bonis canonicorum Brandeburgensium de bonis ipsius domini episcopi et dominorum debet intelligi tam in pheidatis quam liberis, dummodo sit proprietas episcopi vel predictorum dominorum. Item promittimus predictum dominum episcopum et suum conventum cum suis vassallis et aliis eorum subditis agere, quod placet, nec in his eos impediemus aliquatenus, immo cum omni diligentia eos promovebimus ad suos subditos compescendum, si forsitan subditi vellent resistere quoquo modo. Item eundem dominum episcopum vel suam ecclesiam non ammodo impignorabimus ullomodo nec aliquas impignorationes fieri ab aliis admitemus. Item si quid questionis emerferit, hoc commitemus iudicio domini archiepiscopi Magdeburgensis decidendum; si vero decidi non potest per archiepiscopum Magdeburgensem per simplicitatem, maliciam aut favorem, ad vassallos dicti domini episcopi Brandeburgensis iudicium revertetur et juxta eorum arbitrium et nostrorum vassalorum pariter hujus modi questio sopietur. Item contra invasores ecclesie Brandeburgensis et injuriantes procedemus bona fide; contra alios vero, qui nostre dominationi non sunt subditi, litteris et aliis suffragiis quibus possumus, prestabimus fideliter consilium, auxilium et favorem. Item agri villarum sepe fati domini episcopi et conventus non mensurabuntur sed servabuntur, ut pote in litteris patentibus et privilegiis desuper traditis lucidius continetur. — Igitur ut premissa omnia per nos nostrosque successores hereditarios temporibus perpetuis immutari nequeant aut etiam retractari, pro eo jam dictus dominus episcopus Brandeburgensis centum marcas argenti nobis dedit. Nos quoque eidem domino episcopo suisque successoribus et ecclesie Brandenburgensi presentes litteras in robur perpetuum et in evidens testimonium desuper conscribi iussimus et sigillorum nostrorum muniminibus roborari. Hujus rei testes sunt: Rodolfus, venerabilis abbas de Chorin, Henricus de Wardenberch, Fredericus de Ecstede, Johannes de Oldenvliet, Johannes et Godefridus, fratres de Griffenberch, Henricus de Dossa, Arnoldus de Bodinge, Walterus de Beltiz, Johannes de Hakenberch, milites, et quam plures alii fide digni. Actum et datum Liwenwolde, anno domini M^o. CC^o. octogesimo nono, in sexta feria ante Reminiscere, per manum domini Bernardi, nostre curie notarii.

Nach dem Orig. des Br. Stifts-Archivs. Abschrift von Hesser.

VI. Der Bischof Hermann von Schwerin bezeugt, daß der Fürst Heinrich von Mecklenburg den Schweriner Domherrn M. Johann Campe zum Bevollmächtigten in der Streitsache zwischen dem Bischofe Johann von Brandenburg und dem Fürsten über die von letzterem jenem im Lande Löwenberg zugefügten Schäden ernannt habe, am 4. Oct. 1316.

In Christi nomine Amen. Universis presentes litteras inspecturis nos Hermannus dei gracia electus confirmatus Zuerinensis cupimus esse notum, quod constitutus in nostra et subscripti notarii et testium subscriptorum presencia nobilis vir dominus Hinricus Magnopolensis et Stargardie dominus constituit et ordinavit discretum virum magistrum Johannem de Campe canonicum Zuerinensem, in causa, quam venerabilis pater Johannes Brandenburgensis episcopus movet eidem seu movere intendit super quibusdam dampnis et iniuriis sibi per ipsum dominum Hinricum et suos complices in territorio Lowenberghe, ut asseritur, irrogatis, suum verum et legitimum procuratorem et nuncium specialem